

吳地記

唐 陸廣微 撰

明 吳 瑄 校

按史記及吳越春秋自禹治水已後分定九州禹貢揚州之域吳國四至東亘滄溟西連荆郢南括越表北臨大江蓋吳國之本界也今郡在京師東南二千一百九十里當磨竭斗牛之位列婺女星之分野從秦始皇併吞六國之後至漢順帝永建四年有山陰縣人殷重獻策於帝請分江置兩浙詔司空王襲封從錢唐江中分向東爲會稽郡向西爲吳郡至陳朝



貞明元年改為吳州隋文帝開皇九年改郡邑至橫

山東新立城郭一云隋開皇十三年却為蘇州唐武德七年移新州

却復舊址升為望管鄉七鄉一百九十四戶一十四

萬三本作千二當作百六十一稅茶鹽酒等錢六

十九萬二千八百八十五貫七十六文

吳縣九萬九千九百六十三貫七十三本無文

長洲縣九萬八千五百七十六貫五百七十六文

嘉興縣一十七萬八千七十六貫一百二十文

崑山縣一十萬九千五百三貫七百三十八文

常熟縣九萬七百五十一貫七百七十四本無文

華亭縣七萬二千一百八十二貫四百三十一文

海鹽縣四萬六千五百八十一貫五十八文

續添

吳江縣三萬六千二百六十九貫一百文

使司割隸醬菜錢一十萬七千七百二十貫二百

四作十六文

留蘇州軍事醬菜衣糧等錢一十七萬八千三百

四十九貫九十八文當作九百一十二文

團練使軍資等三十本無十字萬六當作七千八百三十

貫文送納本無納字上都



地名甄胃水名通波城號闔閭臺曰姑蘇隩壤千里  
是號全吳昔周太王三子長泰伯次仲雍次季歷歷  
生子昌有聖瑞太王有疾泰伯仲雍以入山采藥乃  
奔吳文身斷髮示不可用以讓季歷子昌立是爲西  
伯即文王也吳人義泰伯歸之爲王泰伯三讓弟仲  
雍仲雍立號勾吳所居地名卒葬梅里又名番麗今橫山而仲雍  
立仲雍生季簡季簡生釋達釋達生固章固章卒其  
後至壽夢始別築城爲宮室於平門西北二里基址見存  
自泰伯至壽夢十九世壽夢生四子長諸樊次餘昧  
次季札季札賢壽夢欲立之札讓不可乃立諸樊諸

樊卒吳人固立札札棄室而畔之野乃止封札延陵  
季子而餘祭立四年吳使季子行聘諸國餘祭卒授  
弟季子讓逃去餘昧之子曰僚立爲諸樊之子公子  
光所弑在位十三年僚好炙魚非專諸炙不食諸樊  
之子光潛以百金令專諸進魚上僚置匕首於炙魚  
中刺僚死子光篡立是爲闔閭王又令刺客要離袖  
劍殺吳公子慶忌即王僚子也季子歷三年回聞僚  
被殺乃匍匐往其墳號哭於是子光謝過於季子季  
子曰苟先君無廢祀民無廢主社稷有奉乃吾君子  
哀死事生以待天命耳



闔閭城周敬王六年伍子胥築大城周迴四十二里三十步小城八里二百六十步陸門八以象天之八風水門八以象地之八卦吳都賦云通門二八水道六衢是也西閶胥二門南盤蛇二門東婁匠二門北齊平二門不開東門者爲絕越之故也

閶門亦號破楚門吳伐楚大軍從此門出陸機詩曰閶門勢差義飛閣跨通波又孔子登山望夷吳閶門歎曰吳門有白氣如練今置曳練坊及望舒坊因此胥門本伍子胥宅因名石碑見存出太湖等道水陸二路今陸廢門南三里有儲城越疑作吳王貯糧處十

五里有魚城越王養魚處門西五里有越來溪盤門古作蟠門嘗刻木作蟠龍以此鎮越又云水陸相半汭洞屈曲故名盤門又云吳大帝蟠龍故名門內有武烈大帝廟在祀典東北二里有後漢破虜將軍孫堅墳又有討虜將軍孫策墳

蛇門南面有陸無水春申君造以禦越軍在巳地以屬蛇因號蛇門前漢梅福字子貞爲南昌尉避王莽亂政稱得仙棄妻子易姓名有人見福隱市卒即此門也

匠門又名干將門東南水陸二路今陸路廢出海道



通大萊松松江下滬瀆闔閭使干將於此鑄劍材五山之精合五金之英使童女三百人祭爐神鼓橐金銀不銷鐵汁不下其妻莫邪曰鐵汁不下□有計干將曰先師歐冶鑄劍之穎不銷親鑠耳以□□成物□□可女人聘爐神當得之莫邪聞語□入鑪中鐵汁出遂成二劍雄號干將作龜文雌號莫邪鰻文餘鑄得三千竝號□□文劍干將進雄劍於吳王而藏雌劍時時悲鳴憶其雄也門南三里有葑門赤門有赤欄將軍墳在虵門東陸無水道故名赤門東南角又有魴鱖門吳曾魴鱖見因號並非八門之數也婁

門本號膠門東南秦時有古膠縣至漢王莽改爲婁縣東南二里有漢吳郡太守朱梁墳本名趙避後漢和帝諱改爲梁今吳郡朱氏皆梁之後塘北有顧三老墳見存

齊門北通毗陵昔齊景公女聘吳太子終纍闔閭長子夫差兄也齊女喪夫每思家國因號齊門後葬常熟海隅山東南嶺與仲雍固章等墳相近葬畢化白龍冲天而去今號爲毋塚墳門東二里有盧江太守關臻墳

平門北面有水陸通毗陵子胥平齊大軍從此門出



吳地言  
五  
故號平門東北三里有殷賢臣申公巫咸墳亦號巫  
門西北二里有吳偏將軍孫武墳西北三里有醬醋  
城漢劉濞築東北三里有潁川太守陸宏墳  
吳縣在望下秦始皇二十六年置漢王莽改秦德縣  
陳貞明元年後主復爲吳縣隋開皇九年越國公楊  
素移郡及縣於橫山東五里今復移城內管鄉三十  
戶三萬 千三百六十一坊三十  
吳公子慶忌墳在縣東北三十五里今呼慶墳  
步騭墳在縣東北三里騭任吳爲驃騎將軍代陸遜  
爲丞相有石碑見存臨頓橋西南

周瑜墳在縣東二里瑜字公瑾廬江舒人仕吳大將  
軍南郡太守美姿貌時年二十四吳中皆呼爲周郎  
及孫權稱號爲公卿曰非周公瑾不帝矣瑜少精思  
音樂雖三爵之後樂有闕誤必知之則回顧時人謠  
曰曲有誤周郎顧

顧野王墳在橫山東平陸地遺言不起墳野王字休  
倫仕陳武帝爲門下侍郎博綜羣書廣搜經籍撰梁  
瑞應圖七十卷御覽三百六十卷宮人各念一卷常  
隨駕行內人謂之着脚御覽

姑蘇臺在吳縣西南三十五里闔閭造經營九年始



成其臺高三百丈望見三百里外作九曲路以登之射臺在吳縣橫山安平里

鴨城在吳縣東南二十里匠門外沙里中城東五里有豨墳是吳王畜豬之所東二里有豆園吳王養馬處又有雞陂闔閭置豆園在陂東

織里今織里橋在麗娃鄉俗呼失履橋利娃鄉

說也

澹臺湖在吳縣東南十里孔子弟子澹臺滅明字子羽宅陷爲湖湖側有墳

夏駕湖壽夢盛夏乘駕納涼之處

鑿湖池置苑囿故今有苑橋之名

蔡經宅在吳縣西北五十步經後漢人有道術鍊金丹服菖蒲得仙今蔡仙鄉卽其隱處也

馮驩宅在吳縣東北二里五十步驩平原君門下客今有彈鋏巷其墳在側石碑見存

長洲縣望在郡下貞觀七年分吳縣界以苑爲名地名茂苑水名僊山鄉東一百里有秦時古嚳王莽改爲婁縣北三里有月溪廣八里深四丈西入太湖北四十二里有湖廣四里深三丈縣北二十七里有岑陂夏駕陂馬的陂

吳國古有此

管坊三十鄉三十戶二萬

三千七百



華池在長洲縣大雲鄉安昌里

華林園在長洲縣華林橋

南宮城在長洲縣干將鄉長樂里

嘉興縣本號長水縣在郡南一百四十三里周敬王十年置在谷口湖秦始皇二十六年重移改由拳縣景龍二年嘉禾野生改嘉禾縣吳赤烏 年避吳王太子名改嘉興縣前有晉妓錢唐蘇小小墓東五里有天心池二里有會稽太守朱買臣墳西五百步有晉兵部尚書徐恬宅捨爲靈光寺縣北三十里有雋里池是吳越戰敵處縣南一百里有語兒亭勾踐令

范蠡取西施以獻夫差西施於路與范蠡潛通三年始達於吳遂生一子至此亭其子一歲能言因名語兒亭越絕書曰西施亡吳國後復歸范蠡同泛五湖而去 二十五里有長谷亭入華亭縣西北行七十里

里有震澤今升縣望管鄉五十戶一萬七千五

四十

崑山縣在郡東七十里地名全吳水名新陽貞觀十三年分在吳縣東置縣南一百九十步有晉將軍袁山松城隆安二年築時爲吳郡太守以禦孫思軍在滬瀆池濱半毀江中山松能楷書梁武帝評其書云山松書如深山道者見之往往縮頭卒贈司空將軍



葬橫山東二里會昌四年升縣管鄉二十四戶一萬三千九百八十一

常熟縣在郡北一百里晉建安二年分吳縣海虞置

本號海虞縣至唐貞觀九年改常熟縣北一百九十

步有孔子弟子言偃宅中有聖井闊三尺深十丈傍

有盟自壇也盟北百步有浣沙石可方四丈縣北二里

有海虞山仲雍固章並葬山東嶺上闔閭三子長曰

終纍婚齊女蚤亾亦葬此山山有二洞穴穴側有石

壇周迴六十丈山東二里有石室太公呂望避紂之

處山西北三里有越王句踐廟郭西二里有夫差廟

拆姑蘇臺造管鄉二十四戶一萬三千八百二十

華亭縣在郡東一百六十里地名雲間水名谷水天

寶五年置蓋晉元假陸遜宅造池亭華麗故名有陸

遜陸機陸瑁三墳在東南二十五里橫山中有鶴鳴

鶴唳玄鶴管鄉二十二戶一萬二千七百八十

海鹽縣在郡東南二百二十里地名殷水水名福見

秦始皇二十六年置陷爲柘湖又改武元縣湖爲當

湖隆安五年改東武洲移在故邑上咸康七年改禦

越復號海鹽縣陳貞明元年割屬鹽官廣德七年隸

歸嘉興景隆二年重置光天二年廢開元五年刺史



張廷珪奏請重置縣東十一里有晉穆公何皇后宅十五里有公孫挺陳開強顧冶子三墳俱事齊景公魯烈有功於景公爲晏子以桃二顆令言功三人同日而死葬於此縣東南三十里有秦柱山有五百童女避秦始皇難於此後並得仙縣西五里有會稽山是陸華兄弟尋金牛之處管鄉一十五戶一萬三千二百會昌四年升爲縣

虎丘山避唐太祖諱改爲武丘又名海湧山在吳縣西北九里二百步闔閭葬此山中發五郡之人作塚銅槨三重水銀灌體金銀爲坑史記云闔閭塚在吳

縣閭門外以十萬人治塚取土臨湖葬經三日白虎踞其上故名虎丘山吳越春秋云闔閭葬虎丘十萬人治葬經三日金精化爲白虎踞其上因號虎丘秦始皇東巡至虎丘求吳王寶劍其虎當墳而踞始皇以劍擊之不及候中于石遺跡尚存其虎西走二十五里

忽失矜今虎嘍唐諱虎錢氏諱嚠改爲許墅劍無復獲乃陷成池古號劍池池傍有石可坐千人號千人石其山本晉司徒王珣與弟司空王珉之別墅咸和二年舍山爲東西二寺立祠於山寺側有貞娘墓吳國之佳麗也行客才子多題詩墓上有舉子鐔銖作



詩一絕其後人稍稍息筆

花山在吳縣西三十里其山蒼鬱幽邃晉太康二年  
生千葉石蓮花因名山東二里有脊莽亭吳越闔閭  
置亭東二里有館娃宮吳人呼西施作娃夫差置今  
靈巖山是也晉太尉陸玩舍宅置寺宮傍有石鼓大  
三十圍吳志云其鼓有兵則鳴晉隆安二年賊孫恩  
作亂鼓鳴山上有池旱亦不涸中有菴甚美夏食之  
則去熱吳中以爲佳品

支硎山在吳縣西十五里晉支遁字道林嘗隱於此  
山後得道乘白馬升雲而去山中有寺號曰報恩梁  
武帝置

岸壘山在吳縣西十貳里吳王僚葬此山中有寺號  
思益梁天監二年置

餘杭山又名四飛山在吳縣西三十里有漢豫章太  
守陸烈墳東二里有漢山陰縣令陸寂墳山有白土  
如玉甚光潤吳中每年取以充貢號曰石脂亦曰白  
堊白磬東三里有夫差義子墳十八所

橫山又名據湖山在吳縣西南十六里中有朱植墳  
及晉門下侍郎陸雲公墳

雞籠山在吳縣西三十里以形似雞籠因名晉太康



二年司空陸玩葬此山掘地得石鳳飛去今鳳凰墩是也陸玩字君瑤爲左僕射蘇峻之難與兄曄隨帝在石頭城以曄玩吳民之望不敢加逼遷旣登公輔嘗歎息謂賓客曰我爲三公是天下無人其謙抑若

是疾薨以佐命之勳特置七十家守墳子納字祖言

訥玩之弟子納誤也

清操絕俗不改素業爲吳興守至郡不受

俸祿征討大都督謝安詣訥殊無供辦茶果清談而退終尚書令亦葬此山

昇猶山在吳縣西二十里吳太宰豁所葬豁楚伯州犁之孫楚誅伯州犁奔吳吳以爲大夫讒佞夫差而誅子胥后句踐滅吳誅豁以其不忠也

女墳湖在吳縣西北六里越絕書曰夫差小女字幼玉見父無道輕士重色其國必危遂願與書生韓重爲偶不果結怨而死夫差思痛之金棺銅槨葬閶門外其女化形而歌曰南山有鳥北山張羅鳥旣高飛羅當奈何志欲從君讒言孔多悲怨成疾歿身黃坡又趙曄吳越春秋云闔閭有女哀怨王先食蒸魚乃自殺王痛之厚葬於閶門外其女化爲白鶴舞於吳市千萬人隨觀之後陷成湖今號女墳湖流杯亭在女墳湖西二百步闔閭三月三日泛舟遊賞之處



太湖按漢書志云爾雅十藪曰吳越之間有具區郭璞云今吳縣西南太湖即震澤也中有包山去縣一百三十里其山高七十丈周廻四百里下有洞庭穴潛行水底無所不通號爲地脉又有大小二雷山按越絕書曰太湖周廻三萬六千頃亦曰五湖虞翻云太湖有五道之別故謂之五湖國語曰吳越戰於五湖在笠澤一湖耳張勃吳錄云五湖者太湖之別名以其周行五百里以五湖爲名周處風土記曰舜漁澤之所也揚州記曰太湖一名震澤一名洞庭今湖中包山有石穴其深莫知其極即十大洞天之第九林屋洞天也洞庭山記曰洞庭有二穴東南入洞幽邃莫測昔闔閭使令威丈人尋洞秉燭晝夜而行繼七十日不窮而返啓王曰初入洞口狹隘偃僂而入約數里忽遇一石室可高二丈常垂津液內有石牀枕硯石几上有素書三卷持回上於闔閭不識乃請孔子辯之孔子曰此夏禹之書並神仙之事言大道也王又令再入經二十日却返云不似前也唯上聞風水波濤又有異蟲撓人撲火石燕蝙蝠大如鳥前去不得丈人姓毛名萇號曰毛公今洞庭有毛公宅石室并壇存焉



松江一名松陵又名笠澤

越伐吳禦之笠

澤其江之源連接太湖一江東南流五十里入小湖一江東北二百六十里入於海一江西南流入震澤此三江之口也咸仲云松容也容喬之貌尚書云三江既入震澤底定是也晉張翰仕齊王罔在京師見秋風起思松江鱸魚膾遂命駕東歸俄而罔敗人皆謂之見機卒葬橫山東五里

唐曹恭王廟在松江恭王太宗第十四子調露元年則天皇后出爲蘇州刺史

百口橋後漢郡人顧訓家有百口五世同居鄉人効之共議近宅造百口橋以彰孝義也

乘魚橋在交讓瀆郡人丁法海與琴高友善高世不仕共營東臯之田時歲大稔二人共行田畔忽見一大鯉魚長可丈餘一角兩足雙翼舞於高田法海試上魚背靜然不動良久遂下請高登魚背乃舉翼飛騰冲天而去

琴高宅在交讓瀆法海寺西五十步法海寺濟陽丁法海舍宅所置法海蓋丁令威之喬殿 浮圖下有令威煉丹井也

臯橋在吳縣北三里有五十步漢議郎臯伯通字奉



卿所居因名伯通卒葬胥門西二百步號伯通墩高  
士梁鴻隱居伯通廡下爲人賃舂每歸妻爲具食舉  
按齊眉伯通察而異之曰彼傭能使其妻敬之如此  
非凡人也舍於家鴻潛閉門著書十餘篇疾困告主  
人曰昔延陵君葬子羸博之間不歸鄉里慎勿令我  
子持喪歸去乃卒伯通等求葬地於吳要離塚傍咸  
曰要離烈士伯鸞清高宜令相近葬畢妻子歸扶風  
都亭橋壽夢於此置都驛招四方賢客基址見存  
炭渚橋吳時海渚通源後沙漲爲陸基址見存  
定跨橋闔閭於行苑內置游賞之處基址見存

重玄寺梁衛尉卿陸僧瓚天監二年旦暮見住宅有  
瑞雲重重覆之遂奏請舍宅爲重雲寺臺省誤寫爲  
重玄時賜大梁廣德重玄寺

乾元寺晉高士戴顓舍宅置乾元初蘇州節度採訪  
使鄭桂清書額奉敕依年號爲乾元寺

通玄寺吳大帝孫權吳夫人舍宅置晉建興二年郡  
東南二百六十里有滬瀆漁人夜見海上光明照水  
徹天明日覩二石神像浮水上衆言曰水神也以三  
牲日祝迎之像背身泛流而去時郡有信士朱應及  
東陵寺尼率衆香花鐘磬入海迎之載入郡城像至



通玄寺前諸寺競爭數百人牽拽不動衆議玄像應居此寺言畢數人舁試像乃輕舉便登寶殿神驗屢彰光明七日七夜不絕梁簡文帝制石佛碑曰有迦葉佛維衛佛梵字刻於像背唐東宮長史陸東之書碑載初九年則天皇后遣使送珊瑚鏡一面鉢一副宣賜供養兼改通玄寺爲重雲寺開元五年兼賜金魚字額舊通玄寺移鹽官縣東四十里鮑郎市其後像失一軀後人造一軀以竝之

龍光寺梁天監二年金紫米祿大夫□□舍宅置陸東之書額

永定寺梁天監三年蘇州刺史吳郡顧彥先舍宅置陸鴻漸書額

宴聖寺梁天監三年司徒沈長史吳郡張融舍宅置右衛翊陸彥遠書額

禪房寺宋建武元年蘓州刺史張岱舍宅置吳郡陸曾書額

流水寺吳郡陸襄舍宅置三殿三樓高僧清閑建吳郡縣令田業伯葉書額

唐慈寺宋建武元年高士將軍舍宅置

朱明寺晉隆安二年郡人朱明孝義立身而家大富



與弟同居弟妻言樹壞欲棄兄異居明知弟意乃以金帛餘穀盡給與弟唯留空宅忽一夕狂風驟雨悉吹財帛還歸明宅弟與妻羞見鄉里自盡明乃舍宅爲寺號朱明寺

般若臺晉穆侯何曾置內有水池石橋銅像一軀高一丈六尺高士戴顓建唐景龍二年有神光現數日不歇奉敕改神景寺東北有般若橋因寺而名

崇福寺梁夫監三年武帝置周朝廢之寶應元年重置

龍興寺則天皇后置御書額八方開元五年再興此

寺刺史張廷珪模勒御書于碑

慈悲寺齊永明二年吳人薛曇舍宅置宋周曇卒遺言遷其靈柩於殿下

陸卿寺梁庄舍宅置

崇善玉芝二觀並天監二年置

右館八所

全吳

通波

龍門

臨頓

升羽

帶城橋二百步

烏鵲

在郡南高橋

江風

揚州是

夷亭

養魚之亭

右坊三十六所

通波

三讓

水浮

闔閭

吳地也



坤維

館娃

調啁

平權

金風

南宮

通關

盍簪

吳越

白賁

南記

長干

望館

曳練

萇楚

處暑

常縣

白華

卽次

甘節

吳淦

洊雷

義和

噬嗑

嘉魚

陋燭

已上三十坊在吳縣

遷善

旌孝

儒教

繡衣

太玄

黃鸞

玉鉉

布德

立義

孫君

青陽

建善

從義

迎春

載耜

開水

麗澤

釋菜

和令

夷則

南政

仲呂

必大

豸冠

八貂

同仁

天宮

布農

富春

循咳

已上三十坊在長洲縣

周泰王三子長曰泰伯次曰仲雍次曰季歷季歷賢而生聖子文王昌昌必有天下故泰伯以天下三讓於季歷焉周與吳皆后稷之後姓姬氏吳國泰伯在



位四十九年無子弟仲雍立

周繇王在位三十七年子熊遂立之

熊遂在位四十九年子早軫立之

早軫在位五十九年子敘吾立之

敘吾在位三十八年子兄夷處立之

夷處在位三十九年姪壁羽立之

壁羽在位三十六年子齊玄立之

齊玄在位五十年子柯盧立之

柯盧在位二十七年弟柯轉立之

柯轉在位二十四年子嬌夷立之

嬌夷在位二十四年姪鴟夷立之

鴟夷在位三十年子界嗣立之

界嗣在位三十五年子知濟立之

知濟在位二十七年子諸樊立之

餘濟在位十七年子弟昧立之

餘昧在位二十一年子儵立之

子儵在位十三年堂弟子光立之

子光在位二十年子光諸樊之子殺儵篡位號闔閭子夫差立之

夫差在位二十三年為越王句踐所殺國滅

已上計二十五王治國總六百二十四年



羅城作亞字形周敬王六年丁亥造至今唐乾符三年丙申凡一千八百九十五年其城南北長十二里東西九里城中有大河三橫四直蘇州名標十望地號六雄七縣八門皆通水陸郡郭三百餘巷吳長二縣古坊六十虹橋三百有餘地廣人繁民多殷富古踪靈跡實異事後因王郢叛亂羅城乃以重修今姑纂成圖画以俟後來者添修矣

吳地記

終



吳地記後集

前記皆書傳所載雖畧而具典自唐王郢叛亂市邑廢毀刺史張搏重修羅城并古今所創諸縣鄉坊廟山塋墳墓橋梁寺觀聖賢靈跡或傳記無聞或廢興不一今採摘縣錄據圖經選其確實者列於卷後

吳江縣梁開平三年錢氏奏請於松江置嘉興海鹽二縣晉天福四年置爲秀州

平江軍太平興國二年錢氏改號

永昌北倉在子城西北六里五十步

西倉在子城西一百八十步



芟草場在子城西三里

商稅務在子城西三里一百八十步

茶鹽務在子城河西五步

都酒務在子城南二十步

崇節宮在子城東三里二十步

水軍第一指揮在州西六里二十步

水軍第二指揮在州北六里二十步

牢城在州西南二里二步

清務指揮在州西南二里二步

宣毅第十九指揮在州西南三里二十步

吳縣城地名姑蘇水名震澤境東西一伯五里南北一百五十里

長洲縣境東西一百一里南北九十里

崑山縣境東西二百六十里南北一百五十里

常熟縣境東西九十里南北一百里

吳江縣境東西一百八十里南北一百五十里

吳縣二十二都

吳門

利娃

永安

履仁

鳳凰

靈巖

橫山

太平

吳苑

至德

胥臺

南宮



西華

洞庭

長壽

蔡僊

姑蘇

震澤

長山

遵禮

長洲縣十九都

上元

樂安

鳳池

清波

道義

大雲

東吳

武丘

吳宮

陳公

蘇臺

金鷲

尹義

依仁

儒教

尹山

彭華

舊名徐梳

益地

東吳

下鄉

崑山縣十四都

朱塘

積善

金吳

泖水

永安

武元

安亭

臨江

湖川

春申

惠安

醋塘

新安

王樂

常熟縣十二都

積善

開元

太平

感化

南砂

崇素

端委

歸政

雙鳳

思政

郭行

昇平

吳江縣五鄉

源澄

震澤

感化

久詠

范隅



社壇并風伯雨師壇並在吳縣西南五里

吳縣洞庭鎮在縣西南一伯三十里

社下鎮在西八里

木瀆鎮在縣西南二十七里

神景宮在縣西南一伯二十里太湖中唐乾符二年置

洞庭宮在縣西南一伯二十里唐開成二年置

上真宮在縣西一伯二十里唐至德二年置

洞庭華嚴院在縣西南七十里梁天監二年置

洞庭彌勒院在縣西南一伯里唐乾符二年置

洞庭小湖院在縣西南一伯五十里梁大同二年置

洞庭興福院在縣西南七十里唐乾符元年置

洞庭上方院在縣西南一伯二十里唐會昌六年置

林屋洞天在洞庭西山幽邃竒絕乃真仙出洞府據

仙經人間三十六洞天其知者十林屋第九洞天也

今皆羽客居之好道之士常所遊覽時有遇焉

洞庭水月院在縣西南一伯里梁天監四年置

四無量寺在縣西七十里唐大中元年置

天平寺在縣西南二十五里唐寶曆二年置

昭明寺在縣西五十里古名昭王寺梁天監二年昭

明太子置



楞伽寺在縣西南二里梁天監二年置

光福寺在縣西北七十里梁天監二年置

天宮寺在縣西南四十里梁天監二年置

寶華寺在縣西南三十里梁天監二年置舊名寶林

院舍和尚住持以錫卓地為井祥符中改智顯院

明因院在縣西南二十五里晉天福九年置後改為

薦福院

寶積院在縣西南二十里隋大業四年置為塔院

翠峰院在縣西南七十里唐咸通十六年置

景德寺在縣西北一里二十步晉咸和二年獻穆公

王珣弟珉舍宅建

雍熙寺在縣北十步梁天監二年置舊名流水法

等寺後於雍熙中失火燒燬遂改今名

瑞光寺在縣西南四里開寶九年置舊名普濟院

西竺寺在縣西南一里六十七步唐大中八年處州

人馬厚舍宅為馬禪寺晉天福八年錢氏改保壽院

祥符中改今額

橋梁一十九所

樂橋

飲馬

孫老

渡僧

升平

白顯

太平

市曹



三大尉

黃牛坊

憩橋

小市

張廣

普濟

泰伯廟

杉瀆

西館

金師堂

續添橋梁

吉利

成家

渡子

龍興寺

積善

三板

馬禪寺

白磬

剪金

過軍

雍熙寺後

絲行

吳縣東

吳縣西

烏盆

艇舩

臯橋

朱明寺

魚行

女冠子院

開元寺

梅家

查家

烏鵲

盤門裏廟

鴈門

朱勳宅前

景德寺

蔣侍郎

盧提刑

陸侍郎

雍熙寺西

長洲縣大元

貞元年董總管移於平橋北衙東府

前吳縣亦然

舊址立  
八子亭

天慶觀在縣西南一伯五十步唐開元中置為開元

觀至道中改玉清道觀大中祥符二年改今額大元

貞元年改玄妙觀

報恩寺在縣西北一里半吳赤烏二年置後廢周顯

德二年重置

壽寧萬歲院在縣東一里半唐咸通二年改為般

院若



天宮院在縣東北五十步唐景福元年置爲武平院  
祥符中改今額

明覺禪院在縣東南一里半唐大中五年置

鎮國院後廢梁乾化四年錢氏置大中祥符二年改  
今額

靈鷲院在縣北三百步梁乾化三年錢氏改爲永光  
院祥符改今額

廣化寺在縣西梁貞明二年錢氏置爲崇吳院祥符  
二年改今額

萬壽禪院在縣東南一里半梁爲安國禪院唐長壽

二年改爲長壽院乾祐元年重修祥符三年改

今額

大中祥符尼寺在縣西北一里半梁天監二年置後  
廢梁龍德二年復置爲福田寺傳法尼寺在縣西一  
里唐大中五年置後廢梁乾化六年重置爲禪興寺  
祥符二年改今額

寧國尼寺在縣西南一里五十步 建隆二年置爲  
永安院祥符二年改今額

仁王寺在縣東南一里唐天福四年奏置爲安吳院  
祥符二年改今額

永福尼院在縣南一百六十步唐咸通年置



資壽尼禪院在縣東南三百步唐天福三年置  
妙嚴尼禪院在縣西五十步太平興國元年置  
半塘法華院在縣西北七里十步東晉時置

續添橋梁

顧家

蔣家

乘魚

大郎

子城

後長洲縣東

天宮寺

張香

徐鯉魚

南倉

廣化寺後

阮橋

承天寺後寺前

竹隔

船舫

北寺東

篠橋

板橋

徐貴子

寧國寺

茭薦

通利

樂安

禪興寺

仰家

天慶觀

紅爐子

百口

蔣軍

李師堂

周太保

張馬步

鵝鴨

寶積寺

草鞋

靈鷲寺

周通

華家

華橋

程橋

望信

吳王

金毋

閣橋

黃土塔

帶城

馬津

草橋

醋坊

臨頓

州前平橋

至道

新橋

甫橋

崑山縣 景德寺在縣西南二百五十步晉咸和二  
年置舊名寶馬寺景德二年改今額



慧聚寺在縣西北三里梁天監十年置初慧嚮法師  
居石室忽神人見前請助工建寺是夜風雨暴作  
如 出聲詰旦視出已成階陛矣后寺不日而成唐  
大中七年重修內有彌勒閣殿柱四壁有張僧繇畫  
龍髣髴存焉

慧嚴禪院在縣東三百步梁開平三年置爲崑福禪  
院貞明五年重修本朝 年改今額

能仁禪院在縣東三十五里唐天祐二年置後長興  
三年改德義院祥符中改今額

方泰寺在縣東七十里唐大中三年置後廢天福三

年增

南祥禪院在縣東一百十里唐開成四年置後廢光  
化二年重置

新安尼寺在縣東二百步梁天監二年置唐會昌五  
年廢大 七年重建

橋梁十四所

望江

釘行

茶行

廟堂

魚行

秦迪

半道

鎮東

西板

崑山寺

紹法巷

酒坊

縣前

平橋



常熟縣 乾元觀在縣西一里虞山南嶺下梁天監

五年置天師張裕於此山修道白日上昇遂於觀立碑

東靈寺在縣西一里唐聖曆二年置舊名十興寺元

在吳縣界神龍元年改今額仍移於今所

慧日禪寺在縣西九十步本常熟平禪院祥符元年

改今額

天寧尼寺在縣西北一里梁天監二年置

齊樂尼寺在縣西二百步梁大同二年置

頂山禪院在縣西北十六里虞山北嶺下梁大同二

年置

延福禪院在縣西十三里虞山南嶺下梁大同三年置

興福寺在縣西九里虞山北嶺下梁大同三年置

勝法寺在縣東三十五里唐乾元年置為離宅寺晉

開運末改境寧寺祥符元年改今額

橋梁五所

言偃

信義

文學

〔〕僊

通泰

吳江縣應天禪院在縣西南 里唐乾符二年置

報恩禪院在縣東北二十五里唐大中元年置



興寶寺在縣城內晉天福七年置  
寧境禪院在縣南一百里晉開運二年置  
法喜寺在縣東十八里後唐長興元年置晉開運三  
年重修

橋梁十所

雙鳳

醋坊

縣橋

世水

馬邨

通津

富基

八尺

口德

徹浦

吳地記後集 終

